



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus VIII. Intra quod tempus peti debeat restitutio in integrum?

[urn:nbn:de:hbz:466:1-73031](#)

collatum sit alteri; Lessius cit. c. 17. n. 63. vel hæreditas repudiata à Minore, jam sit distracta à substituto, L. quod si minor 24. Q. Scævola ff. de Minoribus, Abb. in c. ex parte 14. de restit. spoliat. n. 15. Covarr. l. 1. var. resol. c. 5. n. 2. Molin. D. 573. qui duo postremi in casu, de beneficio, tenent oppositum, putantes, in eo agi de fæsione damni emergentis. Si autem diccas: in Spiritualibus, & beneficijs Minor habetur pro Majore, c. fin. de judic. in 6. ergo is, sicut Major, in judicio esse potest Actor in his causis, etiam sine Tute; ergo si læsus sit in tali casu, non restituitur etiam contra damnum emergens. Q. C. primum enthym. N. secundam conseq. Nam etiam Ecclesia agere potest in judicio, & tamen restituitur, ut habetur c. 1. & 2. hic, & docet Abbas cit. num. 16. Covarr. num. 8.

Not. 2. etiam Minorem contra Minorem, & Ecclesiam contra Ecclesiam restitu. Primum habetur L. Verum, 11. Q. item queritur. ff. de Minoribus; secundum in c. auditis, de restit. in integr. & tenet Abb. ibi, n. 8. cum gloss. fin. Nec obstat, quod privilegiatus contra æquè privilegiatum jure suo non utatur, & in ejusmodi concursu, utroque cassato, servari debeat jus communis; Abb. in c. in praesentia 8. de probat. n. 37. & L. assiduis 12. C. qui potiores in pignore habeantur. Nam id verum est solum, si pars sit utriusque causa; ut, si uterque sit læsus, & certetur de damno vitando; tunc enim melior est conditio possidentis, c. in parti 65. de Reg. jur. in 6. hinc si Minor temere Minori mutuum dedit, quod iste inutiliter consumpsit, Minor creditor contra Minorem debitorem non restituitur in integrum, ut habetur L. verum, cit. intellige, si creditor non sit factus inde locupletior: si vero sint tantum in genere privilegiati, & respectu ejusdem cause non sit pars utriusque conditio (ut si unus læsus sit; alter non; vel unus agat de damno emergente; alter de lucro solum cessante) illi potius subvenitur per restitutionem; ita Bartol. in auctor. quas actiones, n. 3. C. de SS. Ecclesiis, & Abbas nuper cit. si autem utraque pars læsa sit, & litigetur ab utraque de jure suo non amittendo, tum in dubio: ntri revera jus competit? utraque interim restituitur, donec de veritate rei iudicio constet, c. auditis, cit.

ARTICULUS VIII.

Intra quod tempus peti debeat restitutio in integrum?

R Esp. sicut Minor non tantum, quam- 2719. diu talis est, sed etiam postea per continuum quadriennium; sic Ecclesia læsa ex contractu, vel Judicis sententia intra quadriennium à die læsionis, non autem postea (nisi ex justa causa) petere potest restitutionem; primum habetur L. ult. C. de tempor. in integr. restit. secundum, c. Ecclesia, h. t. in 6. Justa vero causa censetur, si fraus intervenit, quod minùs Ecclesia intra quadriennium peteret, si læsio valde enormis sit, ad quod non requiritur, ut dimidium excedat, &c.

Not. autem 1. quadriennium Minori fluere à completo 25. anno usque ad 29. completum, L. ult. cit. Molin. D. 573. vel à die, quo venia etatis obtenta, & intimata fuit, L. 1. C. de his, qui veniam atat. & L. ea, que 5. C. de temporib. in integr. restitut. Majoribus autem, à tempore, quo cessat justa causa absentiae, vel aliud impedimentum legitimum, L. ult. cit. & gloss. in Clem. Univ. V. à tempore, h. t. Ecclesiæ demum à tempore factæ læsionis, cit. Clement. & gloss. Molin. D. 574.

Not. 2. quadriennium, quoad Minores, Majores, & Ecclesiam, restituendam, debere esse continuum, per omnes scilicet dies feriatos, & non feriatos, quibus agere, vel non agere licet. Si tamen unus eorum justè impeditus sit (ut quia pars, contra quam restitutio petitur, in causa est, videlicet, vel justo impedimento, ut peti restitutio non potuerit) quadriennium quoad hoc utile est, ut scilicet temp⁹ illud non computetur, sed suppleatur, ut dicitur cit. L. ult. cum gl. V. vacuam, & V. excipiatur; item gloss. in Clem. cit. V. continuum, Molin. D. 573. & 574. init.

Not. 3. in dubio, an transactum sit quadriennium? onus probandi incumbere ei, contra quem petitur restitutio, L. si Minorem 4. C. h. t. Barb. in c. 1. b. t. n. 18. Molin. D. 573. si vero de illo constet, & Minor, vel Ecclesia dicat, illud de jure non potuisse currere, probationem his incumbere, patet ex c. 1. h. t. in 6. ibi: nisi probetur; sicut etiam, si dubitetur, an

contractus celebratus sit infra minorem atatem?

2721.

Not. 4. Ecclesiam, & Rempublicam, propter publicum favorem, (quo carent minores facti majores) etiam post quadriennium, non tantum ad novum quadriennium, sed etiam ad multò longius tempus, ex causa valde rationabili, extraordinariè Judicis officio restitui. Cæterum, et si Ecclesiæ concedatur restitutio etiam adversus lapsum temporis, in quo se læsam enormiter asserit, & probat, causaque finiri debeat infra quadriennium continuum; restitutio tamen illa non sit ad aliud tempus, quam ad id, in quo se læsam probat; habetur in Clem. Unic. h. t. & gl. hic in casu, & V. lapsus temporis; pro quo:

Not. 5. cum Ecclesia læsa lapsu temporis restituenda est, à tempore læsionis per continuum quadriennium illi competere jus petendi restitutionem adversus tempus lapsus; tempus tamen, ad quod restituitur, non esse majus, quam fuerit id, in quo probat se læsam. Et hoc de quadriennio, competente restituendo, probabiliter extenditur etiam ad læsiones privatorum ex lapsu temporis, esto tempus læsionis sit minus quadriennio; sic Pirhing cit. n. 54.

Not. 6. dicta de restitutione, contra lapsus temporis, intelligi, sive tempus lapsus fuerit judiciale, sive extrajudiciale; quia Clementina cit. indistinctè loquitur. Not. 7. quamvis adhoc, ut Ecclesia, petens restitutionem contra lapsus temporis, audiatur, sufficiat, quod affirmet se læsam; tamen, ut petito annuatur, requiri, ut læsio probetur; patet ex fin. Clem. cit. & gl. ibid.

ARTICULUS IX.

An concedatur restitutio adversus propriam confessionem?

2722.

C^Asus est: Prælatus nomine Ecclesiæ, Cetiam sine consensu Capituli agens in judicio, vel Procurator Ecclesiæ, per errorem facti, fassus est aliquid, quod plenè probari non potest; & ex tali fassione læsa est Ecclesia: queritur, an intra quadriennium à tempore fassonis, vel læsionis, petere possit restitutionem contra ta-

lem fassionem? R. affirm. non autem, si post illud; c. si adversus, h. t. in 6. & gl. ibid. V. confessionem, & habetur, L. certum 6. Q. in pupillo, ff. de confess. L. se ea causa 9. § nunc videndum ff. de Minoribus.

Pro quo not. 1. id procedere etiam in casu fassionis jurata, si falsò per imprudentiam Prælati, vel Procuratoris facta sit; sic plures apud Barbos. in cit. c. n. 3. idque verum esse, sive fassio facta sit in causa civili, sive criminali; sic idem num. 4. Not. 2. eo casu non requiri, ut probetur error, vel falsitas fassonis, sed sufficere, si probetur gravis læsio; quia alias (cum jure communi quilibet admittatur major, probato errore, post latam sententiam ad revocationem propriæ confessionis, ex illa clausula generali Prætoris (si qua alia causa justa) ut habet gloss. marg. in cit. c. V. confessionem) Ecclesiæ nullum haberet privilegium quoad revocationem propriæ confessionis.

Dices: Ecclesia potest confessionem suam, ex qua læsa est, revocare, allegando, & probando errorem commissum (intellige errorem facti). Nam error juris ordinariè non excusat, L. error 8. de jur. & fact. ignor.) ergo non gaudet eo casu restitutio, quæ est medium extraordinarium. R. id, quod ponitur in antecedenti, concedi etiam cuilibet privato, ac etiam post lapsum quadriennij, c. si adversus, cit. gl. ibid. V. in facto; dummodo error sit facti, & probetur ante causam finitam, c. ult. de confess & gloss. in L. 2. V. qui errat, ff. eod. junct. gloss. marg. excipe, nisi aliunde sit error notiorius, vel Judex ex officio de illo cognoscere velit; tunc enim non requiritur probatio. Hinc C. ant. N. conseq. quia quoad hoc Ecclesia habet privilegium speciale, ut constat ex c. si adversus, competens soli Ecclesiæ, vel Minoris, sed intra quadriennium.

ARTICULUS X.

Coram quo Judice peti debeat restitutio in integrum?

R. Esp. ex dictis, quod ordinariè coram 2723. Judice illius, contra quem petitur; quia petens hic est quasi Actor: Duxi ordinariè; Nam, si contractus est celebratus in